

UMBOÐSMADUR ALÞINGIS

Pórshamri, Templarasundi 5, 150 Reykjavík
Sími: 510 6700 • Grænt nr: 800 6450 • Mynds: 510 6701
Heimasíða: www.umbodsmadur.is

LJOSRIT

Mál nr. 8181/2014.

Reykjavík, 12. nóvember 2014.

Hr. Sigurður Ingi Jóhannsson
sjávarútvegs- og landbúnaðarráðherra
Skúlagötu 4
101 Reykjavík.

Til mín hafa leitað nánar tilgreindir starfsmenn Fiskistofu og kvartað yfir ákvörðun sjávarútvegs- og landbúnaðarráðherra um að flytja höfuðstöðvar Fiskistofu til Akureyrar. Kvörtunin beinist jafnframt að tilteknum atriðum er varða undirbúning og fyrirkomulag flutnings stofnunarinnar. Í kvörtun málsins kemur fram að starfsmönnum Fiskistofu hafi verið tilkynnt um ákvörðunina munnlega á fundi ráðherra með starfsfólki 27. júní 2014 og skriflega með bréfi ráðherra, dags. 10. september 2014.

Ég tek fram að eftir því sem ég hef getað kynnt mér þetta mál, þ.m.t. af frásögnum fjölmiða og umfjöllun á Alþingi, fæ ég ekki annað ráðið en að eftir að umrædd ákvörðun var upphaflega kynnt starfsmönnum Fiskistofu hafi komið fram hjá yður sú afstaða að afla þyrfti lagaheimildar frá Alþingi til flutningsins. Þannig kom m.a. fram í viðtali við yður í Ríkisútvarpinu 30. júní 2014 að tryggt yrði að flutningur Fiskistofu til Akureyrar yrði með lögmatum hætti. Þar sem sú heimild sem verið hefði í stjórnarráðslögunum frá árinu 1999 fyrir ráðherra til að kveða á um aðsetur stofnana sem undir hann heyrðu væri ekki lengur í lögum væri ætlun yðar að leita til forsætisráðuneytisins og farið yrði með málið fyrir Alþingi ef svo bæri undir.

Í ljósi þessa hef ég ákveðið að takmarka athugun mína á þessu máli að sinni við það á hvaða lagaheimild ráðuneytið hafi byggt heimild til flutnings á höfuðstöðvum Fiskistofu frá Hafnarfirði til Akureyrar þegar sú ákvörðun var kynnt á fundi með starfsfólki Fiskistofu 27. júní 2014, sbr. einnig bréf til starfsmanna stofnunarinnar, dags. 10. september sl., og á hvaða lagaheimildum þau starfskjör og fjárgreiðslur sem boðnar voru starfsmönnum Fiskistofu með bréfinu frá 10. september sl. hafi verið byggðar. Ég óska því eftir að ráðuneyti yðar láti mér í té skýringar vegna eftirfarandi og þau gögn sem kunna að vera tiltæk í ráðuneytinu um undirbúning og töku umræddra ákvarðana:


1. Ég óska upplýsingum um á hvaða lagagrundvelli hafi verið byggt um heimild til flutnings á höfuðstöðvum Fiskistofu til Akureyrar þegar starfsmönnum stofnunarinnar var tilkynnt um þá ákvörðun munnlega á fundi 27. júní sl. Ég óska eftir að fá afhent afrit af þeim gögnum sem kunna að hafa verið tekin saman í ráðuneytinu eða að öðru leyti lögð til grundvallar um þann lagagrundvöll á þessum tíma.
2. Ég óska jafnframt eftir að fram komi á hvaða lagagrundvelli heimild til flutnings höfuðstöðva Fiskistofu til Akureyrar hafi verið byggt þegar „stefnumarkandi ákvörðun sem tekin var í sumar um að flytja höfuðstöðvar stofnunarinnar til Akureyrar“ var kynnt starfsmönnum Fiskistofu með bréfi 10. september sl. Ég óska sérstaklega eftir að fram komi með tilliti til þess sem reifað var hér fyrr í bréfinu um afstöðu yðar varðandi lagaheimildar til flutningsins og áforma um að leggja málið fyrir Alþingi hvort enn hafi verið byggt á sama lagagrundvelli um heimild til flutnings og á var byggt þegar hann var kynntur starfsmönnum 27. júní sl.
3. Í áður nefndu bréfi frá 10. september sl. er starfsmönnum Fiskistofu í tölulíðum 5, 6, 7 og 8 boðin ákveðin starfskjör og fjárgreiðslur vegna flutninga til Akureyrar. Ég óska eftir að fram komi á hvaða lagaheimildum þessi atriði hafi verið byggð og þá með tilliti til þeirra starfskjara sem leiða af lögum nr. 70/1996, um réttindi og skyldur starfsmanna ríkisins, kjarasamningum og ráðningarsamningum hlutaðeigandi, sem og um mismunun eftir aldri. Þá óska ég eftir að fram komi hvernig það hafi samrýmst þeirri afstöðu ráðherra að afla þyrfti lagaheimildar Alþingis til flutnings höfuðstöðva stofnunarinnar til Akureyra að setja fram slík boð og önnur atriði bréfsins um fyrirkomulag á starfi Fiskistofu, þ.m.t. ráðningu nýrra starfsmanna.
4. Sé það afstaða yðar, hr. ráðherra, nú að fá þurfi afstöðu Alþingis til lagaheimildar til að flytja höfuðstöðvar Fiskistofu frá Hafnarfirði til Akureyrar óska ég eftir afstöðu yðar til þess hvernig það hafi samrýmst vönduðum stjórnsluháttum, sbr. 1. mgr. 2. gr. laga nr. 85/1997, um umboðsmann Alþingis, að kynna flutning á höfuðstöðvum Fiskistofu fyrir starfsmönnum stofnunarinnar eins og gert var á fundi með þeim 27. júní sl. og með bréfi 10. september sl. Ég tek það fram að ég ræð það af kvörtun starfsmanna Fiskistofu og þeim gögnum sem þeir hafa afhent mér að við þessar kynningar hafi enginn fyrirvari verið gerður um að eftir væri að afla samþykkis Alþingis eða hin

kynntu áform fælu í sér annað en að þegar hefði verið tekin sú „stefnumarkandi ákvörðun [...] um að flytja höfuðstöðvar stofnunarinnar til Akureyrar.“

5. Sé það afstaða yðar, hr. ráðherra, nú að fá þurfi afstöðu Alþingis til lagaheimildar til að flytja höfuðstöðvar Fiskistofu frá Hafnarfirði til Akureyrar óska jafnframt eftir upplýsingum um hvort starfsmenn Fiskistofu hafi verið upplýstir formlega um þá afstöðu og einnig hvaða þýðingu það hafi gagnvart þeim ákvörðunum og boðum sem þeim hefur verið tilkynnt um vegna flutningsins.
6. Ég óska að síðustu eftir að fá afhent afrit af þeim gögnum sem kunna að hafa verið tekin saman í ráðuneytinu eða aflað með öðrum hætti um ráðgjöf um heimild ráðherra til að ákveða að flytja höfuðstöðvar Fiskistofu frá Hafnarfirði til Akureyrar, þ.m.t. fram að dagsetningu þessa bréfs.

Ég óska þess að svar og umbeðin gögn berist eigi síðar en 10. desember nk.

Virðingarfyllst,



Tryggvi Gunnarsson.